



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011-1803/'03
Sarajevo, 22,29.12.2003.god.**

ZAPISNIK

**16. sjednice Doma naroda Parlamentarne skupštine Bosne i Hercegovine,
održane 22. i 29. decembra 2003.god.**

Sjednica je počela sa radom u 11,45 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 13 delegata.

Delegati Hilmo Neimarlija i Anto Spajić su opravdali izostanak.

Osim delegata na sjednici Doma naroda bili su prisutni: predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informisanja.

Dom naroda usvojio je sljedeći

DNEVNI RED

1. Odgovori na delegatska pitanja i delegatska pitanja
2. Usvajanje zapisnika 14. i 15. sjednice Doma naroda
3. Zahtjev za razmatranje Prijedloga zakona o privremenom odlaganju od izvršenja potraživanja po osnovu izvršnih odluka na teret Budžeta institucija Bosne i Hercegovine i međunarodnih obaveza BiH po članu 100. Poslovnika Doma naroda - predlagač Vijeće ministara
4. Izjašnjavanje Doma naroda o zahtjevu za razmatranje Prijedloga Zakona o izmjenama i dopunama Zakona o upotrebi i zaštiti naziva Bosne i Hercegovine po članu 99. Poslovnika Doma naroda – predlagač Vijeće ministara
5. Izjašnjavanje Doma naroda o zahtjevu za razmatranje Prijedloga Zakona o izmjenama i dopunama Zakona o upravnom postupku po članu 99. Poslovnika Doma naroda – predlagač Vijeće ministara
6. Izjašnjavanje Doma naroda o zahtjevu za razmatranje Prijedloga Zakona o proizvodnji naoružanja i vojne opreme po članu 99. Poslovnika Doma naroda – predlagač Vijeće ministara

7. Izjašnjavanje Doma naroda o zahtjevu za razmatranje Prijedloga Zakon o izmjenama i dopunama Zakona o službenom glasniku Bosne i Hercegovine - po članu 99. Poslovnika Doma naroda – predlagač Vijeće ministara
8. Izjašnjavanje Doma naroda o izvještaju Zajedničke komisije oba doma o postizanju sporazuma o istovjetnom tekstu Prijedloga Zakona o sistemu indirektnog oporezivanja

Ad-1: Odgovori na delegatska pitanja i delegatska pitanja

Odgovora na delegatska pitanja nije bilo.

Delegati su postavili sljedeća pitanja resornim ministarstvima:

Delegat Tomilav Limov

1. “Koje, do sada uspostavljene, institucije Bosne i Hercegovine imaju svoje sjedište u Sarajevu, a koje i gdje imaju sjedište izvan Sarajeva?”
2. Kakva je nacionalna struktura vodećih ljudi i zaposlenih svake od institucija Bosne i Hercegovine?
3. Ima li Vijeće ministara utvrđen plan rasporeda sjedišta institucija Bosne i Hercegovine koje će biti uspostavljene u naredne tri godine i kada će taj plan biti dostavljen delegatima i poslanicima Parlamentarne skupštine Bosne i Hercegovine?”

Delegat Branko Zrno

“Na osnovu informacije “General Tobacco Industri” o posljedicama izjednačavanja posebnog poreza (akcize) na cigarete iz uvoza s domaćim cigaretama, budžet Federacije Bosne i Hercegovine gubi (navodno) 80.000.000 – 100.000.000 Km.

Da li su podatci tačni? Šta je potrebno učiniti i zaštititi svoju proizvodnju i svoj budžet?”

Delegat Nade Radović

Kada će se povratiti uzurpirana imovina koja se nalazi u jednom entitetu od privrednih subjekata iz drugog entiteta.

Konkretno, kada će se Kazneno-popravnom Zavodu Foča/Srbinje privredna jedinica “Drina” vratiti u posjed poslovno-prodajni prostori u:

1. Poslovno – prodajni prostor 161,96m² u ulici Džemala Bijedića – Čengić Vila u Sarajevu
2. Poslovno – prodajni prostor 150,19m² u ulici Hasana Brkića u Zenici
3. Poslovno – prodajni prostor 140m² u ulici Rudarska br.55 u Tuzli.

Ad-2: Usvajanje zapisnika 14. i 15. sjednice Doma naroda

U diskusiji su učestvovali Zoran Spasojević i Osman Brka

Delegat Osman Brka tražio je da se njegovo delegatsko pitanje koje je postavio na predhodnoj sjednici dopuni i ono glasi:

“ Šta znači bez odluke državnih institucija Bosne i Hercegovine, prisustvo Dragana Čovića, predsjedavajućeg Predsjedništva Bosne i Hercegovine i Bariše Čolaka, ministra u Vijeću ministara, funkcionera države Bosne i Hercegovine, povodom otkrivanja spomenika u Širokom Brijegu, bivšem predsjedniku druge države, Republike Hrvatske, dr. Franji Tuđmanu imajući u vidu poruke koje su se čule sa tog skupa a odnose se na to da će se nastaviti slijediti politika Franje Tuđmana”.

Dom naroda jednoglasno je usvojio Zapisnike 14. i 15. sjednice Doma naroda

Ad-3: Zahtjev za razmatranje Prijedloga zakona o privremenom odlaganju od izvršenja potraživanja po osnovu izvršnih odluka na teret Budžeta institucija Bosne i Hercegovine i međunarodnih obaveza BiH po članu 100. Poslovnika Doma naroda - predlagač Vijeće ministara

U diskusiji su učestvovali: Jusuf Kumalić, predstavnik Vijeća ministara, Halid Genjac, Zoran Spasojević, Velimir Jukić i Hasan Čengić.

Dom narod usvojio je zahtjev Vijeća ministara za razmatranje Zakona po hitnom postupku, u skladu sa članom 100. Poslovnika Doma naroda, a zatim usvojio Prijedlog zakona o privremenom odlaganju od izvršenja potraživanja po osnovu izvršnih odluka na teret Budžeta institucija Bosne i Hercegovine i međunarodnih obaveza BiH.

Ad-4: Izjašnjavanje Doma naroda o zahtjevu za razmatranje Prijedloga Zakona o izmjenama i dopunama Zakona o upotrebi i zaštiti naziva Bosne i Hercegovine po članu 99. Poslovnika Doma naroda – predlagač Vijeće ministara

Diskusija nije vođena.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedlog Zakona o izmjenama i dopunama Zakona o upotrebi i zaštiti naziva Bosne i Hercegovine.

Ad-5: Izjašnjavanje Doma naroda o zahtjevu za razmatranje Prijedloga Zakona o izmjenama i dopunama Zakona o upravnom postupku po članu 99. Poslovnika Doma naroda – predlagač Vijeće ministara

Diskusija nije vođena.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedlog Zakona o izmjenama i dopunama Zakona o upravnom postupku.

Ad-6: Izjašnjavanje Doma naroda o zahtjevu za razmatranje Prijedloga Zakona o proizvodnji naoružanja i vojne opreme po članu 99. Poslovnika Doma naroda – predlagač Vijeće ministara

Diskusija nije vođena.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedlog Zakona o proizvodnji naoružanja i vojne opreme.

Ad-7: Izjašnjavanje Doma naroda o zahtjevu za razmatranje Prijedloga Zakon o izmjenama i dopunama Zakona o službenom glasniku Bosne i Hercegovine - po članu 99. Poslovnika Doma naroda – predlagač Vijeće ministara

Diskusija nije vođena.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedlog Zakon o izmjenama i dopunama Zakona o službenom glasniku Bosne i Hercegovine.

Nakon ove tačke sjednica je prekinuta i njen nastavak je zakazan za 29.12.2003.god., kada će se Dom izjašnjavati o Izvještaju Zajedničke komisije oba doma o postizanju sporazuma o istovjetnom tekstu Prijedloga Zakona o sistemu indirektnog oporezivanja.

Sjednica je završena u 12,45 sati.

Sjednica je počela sa radom u 12,10 sati.

Na nastavku sjednice bilo je prisutno 14 delegata

Delegat Hilmo Neimarlija je opravdao izostanak.

Osim delegata na sjednici Doma naroda prisustvovali su: predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informisanja.

Ad-8: Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Prijedloga Zakona o sistemu indirektnog oporezivanja

U diskusiji je učestvovao Osman Brka.

Dom naroda jednoglasno je usvojio Izvještaj Zajedničke komisije oba doma o postizanju sporazuma o istovjetnom tekstu Prijedloga Zakona o sistemu indirektnog oporezivanja sa sljedećim amandmanima i zaključkom:

AMANDMAN I

U članu 3., kraj rečenice (iza zagrada i zareza), mijenja se postojeći tekst i glasi: «Koja provodi zakonske i druge propise o indirektnom oporezivanju i politiku koju utvrđuje Vijeće ministara na prijedlog Upravnog odbora (u daljnjem tekstu Odbor)».

AMANDMAN II

U članu 4. iza riječi «oporezivanju» mijenja se postojeći tekst i glasi «i politike koju utvrdi Vijeće ministara na prijedlog Odbora « dok ostali dio teksta ostaje nepromijenjen.

AMANDMAN III

U članku 7. dodaje se novi stav 4. koji glasi:
«Prilikom imenovanja rukovodećeg kadra vodiće se računa o nacionalnoj zastupjenosti.»
Dosadašnji stav 4. postaje stav 5.

AMANDMAN IV

U članu 8. stav 5. u drugoj i trećoj rečenici iza riječi «Budžet» dodati riječ «Uprave».
U članu 8. stav 7. riječi «i direktoru se pruža dovoljno fleksibilnosti za ostvarivanje ciljeva postavljenih u godišnjem planu rada» brišu se.
U članu 8. stav 8. iza riječi «postavlja» dodaje se riječ «i razrješava».

AMANDMAN V

U članu 11. prvi stav briše se riječ «pet», a dodaje riječ «četiri», u istom članu drugi stav briše se riječ «petogodišnji», a dodaje riječ «četvorogodišnji.»

AMANDMAN VI

U članu 13. iza izraza «(27/00)» briše se tačka i dodaju riječi «i Zakona o izvršenju Budžeta institucija Bosne i Hercegovine i međunarodnih obaveza».
U istom članu iza riječi «budžeta» dodaje se riječ «Uprave», a iza riječi «Odbora», stavlja se tačka, a ostali dio rečenice se briše.

AMANDMAN VII

U članu 14., alineji (i), mijenja se postojeći tekst i glasi:
«Utvrđivanje prijedloga politike o indirektnom oporezivanju za provođenje u cijeloj Bosni i Hercegovini. Politiku utvrđuje Vijeće ministara Bosne i Hercegovine».
U članu 14. dodaje se stav 5. koji glasi «Odbor za svoj rad odgovara Vijeću ministara Bosne i Hercegovine».

AMANDMAN VIII

U članu 16. stav 2. mijenja se i glasi:
«Članovi Odbora konsenzusom biraju predsjedavajućeg iz reda članova na mandat od pet godina».

AMANDMAN IX

U članu 21. stav 5. broj «26» zamjenjuje se brojem «24».

AMANDMAN X

U članu 24. st.1., 2., 3. i 4. riječ «priprema» zamjenjuje se riječima «je dužan završiti».

AMANDMAN XI

U članu 28. stav prvi red 2. briše se riječ «ne» i red četvrti, briše se riječ «ne». Stav 2. prvi red briše se riječ «pet» umjesto te riječi piše se riječ «četiri».

AMANDMAN XII

U članu 32. stav 2. riječi «organizuje vršenje» zamjenjuju se riječima «je dužan okončati», riječi « priprema plan» zamjenjuju se riječima «donosi plan».
U stavu 3. istog člana riječi: «direktor priprema nacrt okvirnog sporazuma» zamjenjuju se riječima «direktor realizira okvirni sporazum».

AMANDMAN XIII

U članu 35. ispred prvog stava dodaje se stav koji glasi:
“Za svaku navršenu godinu od stupanja na snagu ovog Zakona izvršiće se revizija poslovanja uprave od strane Ureda za reviziju Bosne i Hercegovine”.

ZAKLJUČAK

Obavezuje se Vijeće ministara BiH da, u roku od 6 mjeseci od dana stupanja na snagu Zakona o indirektnom oporezivanju, razmotri ekonomske pokazatelje o opravdanosti broja regionalnih centara za indirektno oporezivanje, te da u vezi s tim izvjesti Parlamentarnu skupštinu BiH.

Sjednica je završena u 12,30 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk